

Հավելված  
ՀՀ փոխվարչապետի 2020 թ.  
նոյեմբերի 5-ի N 678 - Ա  
որոշման

«ԴՊՐՈՑԻ ՀԱՐԱԿԻՑ ՏԱՐԱԾՔՈՒՄ ԱՊԱՏԱՐԱՆԻ ԿԱՌՈՒՑՈՒՄ ԵՎ  
ԴՊՐՈՑԻ ՄԱՐԶԱԴԱՀԼԻՃԻ ՄԱՄՆԱՇԵՆՔԻ ՊԱՏԵՐԻ ՋՐԱՄԵԿՈՒՍԱՑՄԱՆ ԱՇԽԱՏԱՆՔՆԵՐ» ԾՐԱԳԻՐ

1.	Ծրագրի նպատակը	<p>Տավուշի մարզի սահմանամերձ գյուղերի ոմբակոծման հետևանքով առաջացած ավերումների վերականգնման աշխատանքներին աջակցելու նպատակով «Հայաստանի շինարարների միություն» հասարակական կազմակերպությունը հանդես է եկել առաջարկությամբ, բարեգործական նպատակներով մասնակցել մարզի սահմանամերձ գյուղերից մեկի ազգաբնակչության անվտանգության և պաշտպանության բարելավման գործին:</p> <p>«Հայաստանի շինարարների միություն» հասարակական կազմակերպության նախաձեռնությամբ, ՀՀ քաղաքաշինության կոմիտեի և Տավուշի մարզպետարանի համաձայնությամբ նախատեսվեց մարզի սահմանամերձ Բերդ համայնքի Այգեպար գյուղի դպրոցի հարակից տարածքում՝ հաստատված նախագծով կառուցել ապաստարան և նոր տեխնոլոգիայով իրականացնել նույն դպրոցի մարզադահլիճի մասնաշենքի 73 գծամետր երկարությամբ պատերի ջրամեկուսացման աշխատանքները:</p> <p>Նշված ծրագրի իրականացումը հնարավորություն կտա արտակարգ իրավիճակներում բարձրացնել գյուղի ազգաբնակչության պաշտպանվածության և անվտանգության մակարդակը, ինչպես նաև բարելավել դպրոցի մարզադահլիճի մասնաշենքի շահագործման հուսալիությունը:</p>
2.	Ծրագրի բարեգործական որակման նպատակը	<p>Օրենքով սահմանված կարգով օգտվել Հայաստանի Հանրապետության հարկերի, տուրքերի և այլ պարտադիր վճարների գծով արտոնություններից:</p>
3.	Բարեգործը	<p>«Հայաստանի շինարարների միություն» հասարակական կազմակերպություն (ՀՀ, ք. Երևան - 0002, Ամիրյան 26, ՀՎՀՀ՝ 00059558)</p>

4.	Ծրագիրը կատարողը	«Հայաստանի շինարարների միություն» հասարակական կազմակերպություն (ՀՀ, ք. Երևան - 0002, Ամիրյան 26, ՀՎՀՀ՝ 00059558)
5.	Ծրագրի իրականացման վայրը և բնագավառը	ՀՀ, Տավուշի մարզ, Բերդ համայնք, գյուղ Այգեպար՝ համայնքային զարգացման բնագավառ:
6.	Ծրագրի բյուջեն	38 մլն դրամ, ֆինանսավորման աղբյուրը՝ «Հայաստանի շինարարների միություն» հասարակական կազմակերպության սեփական միջոցներ և հանգանակություններ:
7.	Բարեգործություն ստացողը	Հայաստանի Հանրապետության Տավուշի մարզի Բերդի Այգեպար համայնք
8.	Ծրագրի իրականացման տևողությունը	Ծրագրի տևողությունը 6 (վեց) ամիս: - սկիզբը՝ 30 հոկտեմբերի 2020 թ. - ավարտը՝ 30 ապրիլի 2021 թ.
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	Ապաստարանի կառուցման շինարարական աշխատանքների իրականացում՝ 2020 թվականի հոկտեմբերի 30-ից մինչև 2021 թվականի ապրիլի 30-ն ընկած ժամանակահատվածում՝ շուրջ 35 մլն դրամ. Դպրոցի մարզադահլիճի մասնաշենքի պատերի ջրամեկուսացման աշխատանքներ՝ 2020 թվականի հոկտեմբերի 30-ից մինչև դեկտեմբերի 30-ն ընկած ժամանակահատվածում՝ շուրջ 3 մլն դրամ:
10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	Ապաստարանի կառուցման շինարարական աշխատանքների իրականացում՝ շուրջ 35 մլն դրամ. Դպրոցի մարզադահլիճի մասնաշենքի 73 գծամետր երկարությամբ պարագծով պատերի մոտ 30 լիտր «Մապեստոպ» հատուկ նյութով ջրամեկուսացման աշխատանքների իրականացում՝ շուրջ 3 մլն դրամ:
11.	Ծրագրի իրականացման հետ կապված կազմակերպական ծախսերը	Ծրագրի իրականացման հետ կապված և բարեգործություն ստացողին բացի շինմոնտաժային աշխատանքների ծախսերից՝ կազմակերպական, գրասենյակային, գործուղման և այլ ծախսեր չեն նախատեսվում:

12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Հայաստանի Հանրապետության քաղաքաշինության կոմիտեի, Տավուշի մարզպետարանի, Տավուշի մարզի Բերդ համայնքի և Այգեպարի գյուղապետարանի հետ բարեգործական ծրագրի և պայմանագրային պարտավորությունների իրականացման կազմակերպական բազմաբնույթ հարցերի լուծմանն ուղղված համագործակցություն:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	ՀՀ կառավարության 2003 թ. հունվարի 16-ի N 66-ն որոշմամբ հաստատված՝ բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈԽՎԱՐՉԱՊԵՏ

Տ. ԱՎԻՆՅԱՆ